

大方等大集經

第十六

九十二
國一

47690



元祐九年丙子二月日重脩



大方等大集經卷第十六

國

北涼天竺三藏曇無讖於姑臧譯

虛空藏菩薩品之五

說此偈已時魔波旬嚴四種兵來詣佛所到
已化作長者形前禮佛足在一面立而白佛
言希有世尊此諸大士乃能成就如是不可
思議種種神變又能示現不可思議莊嚴之
事世尊於未來世有幾所衆生聞此不可思
議神變而得開悟決定不疑者也佛告魔波
旬言於未來世中少有衆生若一若二聞此
不可思議神變經典得信解者少耳波旬喻
如一毛析為百分以一分毛於大海中取一

滴水於汝意云何取者多耶在者多耶波旬
言世尊取者甚少在者甚多佛復告波旬言
如海中所取水甚少衆生聞是不可思議神
變經典能信解者少亦如是如大海中水在者
甚多不信解不可思議神變經典者多亦如
是佛復告波旬若有一人於恆河沙等劫日
日以滿三千大千世界滿中珍寶持用布施
不如善男子善女人聞是不可思議神變經
典能信解者其福甚多所以者何波旬若有
信解是經典者則知其人親從釋迦牟尼如
來聞此經典信解無疑何以故波旬若未種
善根衆生聞此世所難信經典能信解者無

有是處波旬我般涅槃後法欲滅時多有憍
慢衆生彼諸衆生着我所說文字不知方便
故各各生於諍競捨思惟法捨已正行爲利
養名譽衣服飲食自纏縛故樂論世俗種種
諸事及世典文辭而不論第一實義不樂翫
習佛無上道及向他人譏論如是等真實深
妙經典則爲誹謗諸佛積集無量大苦惱聚
魔神諸天佐助彼人爲利養恭敬及名聞故
重增放逸傲慢彼諸人等以傲慢故若見有
持戒賢行比丘受持讀誦此經典者而輕慢
憎嫉橫生謗毀彼諸愚人則爲現世破犯禁
戒其中或有畏不活者或慙恥於人者假被

袈裟或有捨戒還附俗者如是等人身壞命
終墮阿鼻地獄受諸苦報佛復告波旬於未
來世中若有求菩薩乘衆生著諸因緣善根
微淺新發道意但著文字不能了義於如是
等甚深經典受持讀誦爲人說時則爲他人
所見輕賤陵懾以爲他所輕賤陵懾故便捨
如是等甚深經典讀誦聲聞辟支佛相應經
爲利養名譽種種所湏之所纏縛故反誹謗
毀訾如是真實甚深經典又復輕賤受持讀
誦此經典者乃至不欲以眼觀之常樂卑行
退失菩薩大乘之法所謂退失淳至心及深
心魔神諸天得如是等人便故勤作方便壞

亂其心乃至使令不聞如是等經設當聞者
生大誹謗無有信心此人亦復積集無量罪
聚成就破法重業永離三寶不得見佛聞法
及供養僧所以者何波旬以於如來所說法
律中生疑猶豫故尔時魔波旬自見有過憂
愁惶恐前禮佛足在一面立時虛空藏菩薩
問波旬言汝何以憂愁憔悴戰慄息狀如
失志人在一面立耶魔波旬荅言善男子我
從如來聞說如是等可畏之事是故以為憂
愁恐怖當墮何趣誰當救我我於如來所說
法律之中數作無量諸留難事是故憂耳虛
空藏言波旬佛法之中有出罪法汝可來至

世尊所起誠心懺悔所作諸惡更莫復作若能如是可獲善利爲不空過尔時天魔波旬即前五體投地禮世尊足下仰視如來流淚涕泣而白佛言世尊我今誠心懺悔從昔已來於如來所說法律之中數作無量諸留難事唯願世尊起大悲心以慈愍故願受懺悔佛言善哉善哉波旬汝乃能自見所作諸惡爲上善哉能如是悔過罪者於佛法中則爲弘廣如來法藏諸佛亦受其人悔過是故汝今勿更復作尔時世尊告衆菩薩言諸賢士汝等各說過魔界行法爲生憐愍魔波旬故尔時衆中有一菩薩名金山王在衆中坐即

白佛言世尊若有防護內界者則為未過魔界若復有菩薩見一切諸界同佛界者知此佛界即是非界是為菩薩能過魔界

尔時寶德菩薩白佛言世尊有依倚樸窟者是為魔界若有菩薩不倚樸窟知一切法無得相者則能為諸衆生說斷倚樸窟法是為

菩薩能過魔界

尔時寶手菩薩白佛言世尊若有取我我所者是為魔界若有菩薩不取我我所者則無諍競以無諍競故則無心行況當有魔界耶是為菩薩能過諸魔界

尔時無諍勇菩薩白佛言世尊若有觸有離

則有諍訟有諍訟者魔得其便若無觸無離
自不諍訟亦不令他諍訟以得無我故無惱
行者能過魔界

尔時寶思菩薩白佛言世尊若有妄想分別
則是煩惱及有煩惱處則是魔界若有菩薩
知一切諸法無相貌者於諸煩惱則無妄想
若內若外亦不別知去離一切妄想分別故
是爲菩薩能過魔界

尔時樂作菩薩白佛言世尊若有樂不樂處
則有憎有愛若有憎有愛則是魔界若有菩
薩去離憎愛平等行者於諸法中則無二想
得入不可思議界是爲菩薩能過魔界

尔時離諍菩薩白佛言。世尊。魔界由我而起。若菩薩能知我者。得無我忍。即知我淨。知我淨。故知一切法淨。知一切法淨。故知諸法性淨。如虛空。是為菩薩能過魔界。

尔時法自在菩薩白佛言。世尊。若順煩惱法。為愛所使者。魔則得其便。世尊。若有菩薩於諸法中。最得自在。自然開悟。以為諸佛之所授。記於菩提法。終不退轉。是為菩提能過魔界。尔時山相擊王菩薩白佛言。世尊。若心有缺漏。則是魔界。若菩薩戒無缺漏。心無缺漏。成就一切諸空法行者。是為菩薩能過魔界。尔時喜見菩薩白佛言。世尊。若有不見佛。不聞

法者魔得其便若有菩薩常見諸佛而不着色
像常聽諸法而不着文字以見法故則為見佛
以無言說故能聽諸法是為菩薩能過魔界
尔時帝網菩薩白佛言世尊若有恃有動則
是魔界若菩薩善順精進知一切法究竟無
成就相故不恃不動是為菩薩能過魔界

尔時德明王菩薩白佛言世尊若有行二法
者則魔得其便若有菩薩知一切法同於法
性則不見魔界與法性有異解知法性與魔
界等以不二相故是為菩薩能過魔界

尔時香象菩薩白佛言世尊若有菩薩怯弱
畏甚深法者則魔得其便若有勇健菩薩善

能通達三解脫門於甚深法不驚不畏以能
現前證知諸法實性故是為菩薩能過魔界
今時彌勒菩薩白佛言世尊譬如大海中水
同一鹹味佛法中亦復如是同一法味所
謂解脫味離欲味若菩薩善解一味法者是
為菩薩能過魔界

今時虛空藏菩薩白佛言世尊喻如虛空究
竟無垢究竟明淨究竟不為一切煙塵雲霧
之所干繞菩薩亦復如是如虛空知一切
法性常清淨亦復不為客塵煩惱之所干繞
得度般若波羅蜜彼岸離諸闇冥於諸法得
慧光明者是為菩薩能過魔界

今時文殊師利法王子菩薩白佛言世尊若
有言語則有滯礙若有滯礙則是魔界若法
不爲一切言說所表者乃無滯礙何謂法不
可言說所謂第一義其第一義中亦無文字
及義若菩薩能行第一義諦於一切法盡無
所行是爲菩薩能過魔界無所過故

如時世尊告波旬言汝聞說過魔界法不耶
波旬白佛言世尊唯然已聞佛言波旬若有
行如是等法者一切諸魔無如之何若有諸
魔欲於行人起魔事者終不能辦而更成就
無量罪聚是故波旬汝可發阿耨多羅三藐
三菩提心於如是過魔界法應堅持奉行汝

若能如是行者則能過一切諸魔國界波旬
喻如百年垢膩可於一日浣令鮮淨如是於
百千劫中所集諸不善業以佛法力故善順
思惟於一日一時盡能消滅波旬如有乾草
積大如須彌以少火投中速能燒盡如是以
少慧力故能除滅無量諸闇冥聚何以故波

旬慧明勇猛故無明劣弱故時魔波旬即作
是念大慈世尊今憐愍我而能為我說菩提
心法我今宜應於如來所種少善根於是波
旬即化作八萬四千殊妙寶蓋及無量花鬘
瓔珞末香塗香而告已眷屬言諸佛世尊出
世甚難卿等諸人咸應共來至世尊所為供

若能如是行者則能過一切諸魔國界波旬
喻如百年垢膩可於一日浣令鮮淨如是於
百千劫中所集諸不善業以佛法力故善順
思惟於一日一時盡能消滅波旬如有乾草
積大如須彌以少火投中速能燒盡如是以
少慧力故能除滅無量諸闇冥聚何以故波
旬慧明勇猛故無明劣弱故時魔波旬即作
是念大慈世尊今憐愍我而能為我說菩提
心法我今宜應於如來所種少善根於是波
旬即化作八萬四千殊妙寶蓋及無量花鬘
瓔珞末香塗香而告已眷屬言諸佛世尊出
世甚難卿等諸人咸應共來至世尊所為供

養故尔時魔天眷屬中有八萬四千衆及魔
波旬各共持殊妙寶蓋及無量花香瓔珞末
香塗香直至世尊所設供養已皆發阿耨多羅
三藐三菩提心諸餘魔眷屬諸天不發菩提
心者形相嗤笑譏論波旬復言希有波旬乃
能於沙門瞿曇前詐現如是篤信之相狀如
至親所以然者波旬或欲於沙門瞿曇所學
呪幻方術是故今於面前現善讚譽耳尔時
魔子醜面及餘魔子等悉無信心各說是言
假使沙門瞿曇以諸方術迴轉魔王者我等
共當設諸方便令如是等經不得流布設使
流布者亦當令少有護助信受行者亦令甚

少常為多人之所薄賤輕弄常墮邊方不令
中國之所宣傳唯使諸無威德貧窮衆生當
得聞之常為諸大威德豪富之人不信誹謗
也尔時世尊告虛空藏菩薩言賢士汝聞此
諸魔子出是惡言不耶虛空藏白佛言唯然
已聞佛言善男子是故汝當安慰護助此妙
經典為降伏諸魔神故於是虛空藏菩薩即
白佛言諸佛世尊皆已護持如是等經我等
亦當安慰受持尔時虛空藏菩薩即說呪曰
所謂阿跋低一跋低二毗跋低三婆醯多菟
散提四頭樓陀羅尼五涅伽多涅伽多尼六
鉢伽多尼七迷羅育低八伽樓那涅耐提九

薩遮跋低十浮多勒差一十達摩涅折低二十達

摩勒差三十郁鳩離四十尸鳩離五十咻樓咻樓咻

樓德迦攤六十多婆婆帝低七十尸羅菟婆帝低

八十阿义夜涅涕池九十枳奢婆迦利施二十佛馱

遏提魅低二十達摩蔚著羅泥二十僧伽菟

鉗咩三十阿菟頭隸四十

不可濟渡 壞魔眷屬 若犯此者 無諸刀杖

順已處行 聖眾所住 吉吉等句 順流解脫

破諸外論 降伏魔眾 四王常護 及天帝釋

梵王世主 奉佛諸天 護菩提者 如是等神

常當擁護 降伏眾魔 利眾生成 受持正法

護說法師 盡當擁護

虛空藏菩薩說此呪已即時此妙寶莊嚴堂
及三千大千世界六變震動時諸魔子見上
虛空中有五百密迹執金剛杵熾然如火甚
可怖畏時諸密迹唱如是言若有魔子及諸
魔神若聞此呪其有不發阿耨多羅三藐三
菩提心者吾等當擊破其頭令作七分尔時
魔子及諸眷屬驚怖戰悚身毛皆豎即合掌
禮佛而白佛言我等今發阿耨多羅三藐三
菩提心善哉世尊願救我等離此恐怖得無
畏樂尔時世尊告侍者阿難言如向此諸魔
子所說言我等當於來世於此經典作留難
事必當稱其本誓言而作留難如斯經典唯當

以佛神力及諸菩薩受持故當得流布於世
而無有多人受持讀誦分別解說佛復告阿
難汝見此諸魔子爲脫恐怖故發阿耨多羅
三藐三菩提心不阿難白佛言世尊唯然已
見佛復告阿難言此語即爲諸魔子當作離
魔事因以不深心發菩提故佛復告阿難於
未來世當有佛出現於世名無垢相如來應
正遍知此魔波旬於彼佛所乃當不退轉發
阿耨多羅三藐三菩提心阿難彼無垢相如
來知其深心成就故當授阿耨多羅三藐三
菩提記當于尔時亦當作魔王深心敬信於
如來正法如彌勒出時有魔王名曰導師深

心敬信佛法聖衆此諸五百魔子亦當於彼
生於魔中當於彼佛所為菩提故種諸善根
乃至波旬成佛之時當與授阿耨多羅三藐
三菩提記佛告阿難言此魔波旬今雖發菩
提心猶豫不定如少毳毳雖尔當漸漸成就
無量功德為世之尊如今我身尔時衆中有
無量無邊諸天人釋梵護世聞授魔波旬
記當得成佛歡喜踊躍怪未曾有合掌向佛
而作是言希有其見佛者必得成就無量功
德法寶之聚所以然者或有不信衆生為欲
燒亂如來故而得見佛或有遇會得見佛者
即為彼衆生作因乃至令得涅槃又白佛言

世尊自除如來應正遍知誰能如是分別知
衆生根佛告諸天人言如汝等所言其有得
見如來者無不蒙益汝等當知或有衆生善
根都盡於無量阿僧祇那由他劫無人身分
者如是衆生見如來故即便得作善因乃至
涅槃如來乃能如是作無量不可思議無上
福田佛復告諸天人言心性常淨而凡愚衆
生不能如實知見以不能如實知見故言是
垢能正知見故便言是淨而第一實義中無
有一法可淨可汙汝等當知諸煩惱者無方
無處非內非外以不善順思惟故便生煩惱
善順思惟故則無煩惱增減不等則生煩惱

無增減者則無煩惱虛僞妄想便是煩惱無
有妄想則無煩惱是故我言如實知邪見則
是正見而邪見亦不即是正見能如實知者
則無虛妄增減取着是故名爲正見佛復告
諸天人言喻如大地依水界住大水依風界
住大風依虛空住虛空無所依住如是大地
無所依住而假有依住之名是故汝等當如
是知之苦依於業業依於結而苦業結都無
所依以心性常淨故如是當知一切諸法無
有根本都無所住以假言說故言有而實無
也是故說一切法本性常淨究竟無生無起
佛復告諸天人言是故汝等當知此法門名

為性常淨法門菩薩通達此門者不為一切
煩惱之所染汙而亦不恃此清淨門以捨一
切諸恃動故便得平等道能過魔界入於佛
界亦能得入諸衆生界而不動法界知一切
法無界無非界而能速至一切智界當說此
法時有五百菩薩得無生法忍尔時申越長
者在於衆中從座而起頂禮佛足白佛言世
尊為我故說如是等甚深經典我先為觸惱
世尊故作大火坑及設毒飯而大聖如來是
不可害者故我於佛說言敬心自尔以來疑
悔心結尚未能除滅今者從佛聞此甚深微
妙經典疑悔即除心無障礙得安樂行世尊

是故我信敬心轉復增長今我家中多諸財
寶當以供佛法僧及諸沙門婆羅門貧窮孤
獨下賤乞兒世尊誰當聞是斷一切縛甚深
經典而於一切諸物生貪著者乎尔時虛空
藏菩薩白佛言世尊諸佛如來無上菩提甚
為甚深難可測知若有菩薩於未來世捨己

身命及利養名譽而能持佛菩提者甚為難
有尔時衆中有六十八位思菩薩從座而起合
掌向佛一時同聲而說偈言

世尊滅後我等能忍捨身壽命為護正法
捨利名譽離諸貪著願護正法為佛智故
罵詈呵責及譏刺語護正法故當忍受之

輕賤毀弄 唱說惡名 當以慈忍 為護此經
來世比丘 計着諸有 與魔為黨 誹謗正法
毀禁行惡 樂着俗累 為利所覆 不樂正法
恃翫俗典 憍慢放逸 高歎己能 蔑正行者
常捨閑靜 樂處憤鬧 習世文詞 計着吾我
不營教化 不業智慧 捨離坐禪 不親三寶
無有智慧 群黨求利 動與結俱 樂受他供
他慈心施 惜猶己有 數往到彼 說諸世事
田宅居業 及販賣事 勤求息利 猶言沙門
傲慢着有 依邪險見 聞性空法 當大驚怖
言後長遠 但求現報 當虛妄說 非法言法
如是大災 弊惡比丘 魔及魔子 復當佐助

經文是一說義各異各是己論愚者當亦
諸深妙經能與解脫當擁遏之反說淺事
我勝汝劣由勝得果於佛法中當如是競
如是競時衆生數壞爲非法王之所惱逼
於是末世壞甚可畏我持正法救世所說
我常慈心不捨法律生正大悲爲世所護
毀禁樂惡不任正法墜墮何道我常憂愍
見故作惡謗毀正法我終不共與爲親黨
常任我力善護口過見無用人不說其短
我住聖種頭陀護戒處定習慧常勤修行
離世憤鬧樂處閑靜無着如鹿善調知足
若至聚落攝根少語見說法者共論正法

愛語利益	以化衆生	又與說法	令斷惡行
我為正法	極遠當往	為彼說法	利益衆故
若見凡愚	有缺失者	但當自護	任法行忍
毀辱恭敬	當如須彌	不染世法	為世導師
毀禁比丘	若來呵責	自省己行	將是業報
當為是等	嫉惡衆生	先意善言	現為恭敬
彼即生念	我亦沙門	成就具德	無惡名乎
諸毀禁等	如失志人	聞是經憂	如劓照鏡
其作方便	不欲聞之	復教餘人	言非正法
又教國王	壞臣民心	誹謗正法	言非佛說
我等於時	以佛力故	為持正法	不惜身命
世尊知我	言無有二	當堅護持	住是正法

作誠實語 如說而行 悅可諸佛 乃成菩提
尔時虚空藏菩薩讚諸菩薩言善哉善哉諸
大士汝等乃能發誠實願受持如來甚深微
妙無上大法甚為快也虚空藏菩薩白佛言
世尊其有善男子善女人受持讀誦此經典
者得幾所福佛告虚空藏言賢士譬如東方
十三千大千世界南西北方四維上下各十
三千大千世界盡末為微塵以尔所塵集為
一聚設有一人成就神足無量威德壽命長
遠此人持諸微塵過東方尔所塵數世界乃
下一塵如是展轉東行盡此塵聚而諸世界
猶不可盡如東方世界南西北方四維上下

復過尔所佛土乃下一塵如是展轉諸方世界
盡此塵聚而諸世界猶不可盡虛空藏於汝
意云何是諸世界寧為多不虛空藏白佛言
甚多甚多世尊無量無邊不可計知佛言賢
士是諸世界微塵所着處及不着處盡此微
塵所及世界已還為一大城縱廣高下悉皆

同等於其城中滿亭歷子賢士是諸亭歷子
可數知不虛空藏白佛言世尊假設譬喻猶
不能了況可數知唯除如來無能數者佛告
虛空藏言如是如是如汝所言唯如來能知
是諸亭歷子若百數千數百千萬數佛言賢
士設有一人成就神足無量威德能以口吹

是諸亭歷子布散十方一亭歷子墮一佛世
界終不過一賢士於汝意云何是諸亭歷所
及世界寧爲多不虛空藏白佛言世尊是諸
世界乃非心力所能分別設分別者令人心
迷錯亂賢士我今告汝若有行菩薩道善男
子善女人日日以滿尔所等世界無量珍寶
持用布施無有休廢不營餘事若復有善男
子善女人受持讀誦書寫此甚深經典不求
利養爲善提故乃至爲一人說使其人聞已
勸令於阿耨多羅三藐三菩提乃至發一善
念欲令正法久住世故此人功德復過於彼
布施者上百倍千倍百千萬倍乃至非筭數

辟喻所及何況能令住阿耨多羅三藐三菩提者何以故賢士以能說如是無量善根成就諸菩薩爲護持正法故賢士我不見菩薩更有餘法能過於此堅固正行攝諸善法教化衆生者也尔時虚空藏菩薩白佛言世尊希有如來不可思議如來大法亦不可思議如如來大法不可思議其受持此經典者所得功德亦不可思議唯願世尊護持此經爲當來世令受持此正法諸善男子善女人手得是經執在胸懷不離是經若應離生死者不從他聞自然得悟菩提悟菩提已廣爲他說佛言善男子諦聽諦聽善思念之吾當

為護此經故當說章句召護世四天王帝釋
梵天王等諸神以此章句召故護世四天王
天帝釋梵天王當擁護諸說法師持此經者
說此世所難信甚深經典時使無能作留難
所謂若王大臣驅遣出國若得重病若闔諍
起時若國土疾疫如是等事起時以呪術力
故即令消滅不得成就何等為呪術章句所謂
頭頭麗_一提提麗_二陀夜_三皞帝_三陀夜羅伽羅_四
尼帝提_五毗婆知_六睺咩_七餘弥多毗_八目企
九羶帝低_十尼堵拏祢_{十一}阿菟多麗_{十二}鳴多羅
尼_{十三}婆皞斯_{十四}鉢他輸_{十五}鉢陀尼陀菟_{十六}鉢
陀散提_{十七}般若牟麗_{十八}阿娑究麗_{十九}浮陀勒

差^{十二}律那薩枝

^{十二}多婆娑薩枝

^{二十}多婆鉢低

^{二十}

隨佛意順法性恭敬僧世主信護世四王為

諸佛子受持此呪護說法者尔時四天王即

從座起合掌向佛而白佛言世尊我等當護

此諸佛子受持經者即說呪曰

首鞞^一

首婆鉢低^二

首提帝^三

目哆擁^四陀

梨擁^五

陀羅尼^六

頗耽糜^七

阿丘擁怯卑^八

阿目企^九

陀羅尼陀擁^十

數首曬醯那^{十一}脾

提脾陀賴散提^{十二}

三咩^{十三}

婆夜咩^{十四}

三摩賴

弥^{十五}波扇哆噤^{十六}

休休^{十七}

醯醯^{十八}

丘樓丘樓麗^{十九}

^十

於時四大天王自在者說此不可犯呪已尔

時天帝釋即從座起心淨悅豫合掌向佛而
說偈言
未來飢饉時
大稱諸賢士

受持說此經
我當為給侍

於是帝釋說此偈已即說呪曰

彌低一首腓二摩訶彌低三達摩彌低四天

多伽麗五三摩彌低六薩遮彌低七那提咩

八阿菟多麗九阿菟頭擁十阿菟勒差十一薩

婆薩埵阿菟伽醯十二阿那菟多卑十三修翼低

十四阿毗盧提十五阿毗伽醯十六浮提菩舍咩十七

膩魘十八遏他尼低十九泥提羅尼二十阿那他婆

差帝二十一咩低二十二咩低二十三閣耶私二十四修莎

羅二十五
汝等起禪樂
來護持法者

諸世界世尊 皆悉共受持

尔時梵自在天王即從座起讚彼釋梵護世
諸天言善哉善哉汝等乃能為護正法持法
說法者故發大莊嚴汝等正應如是甚得其
宜隨如來法律住世久近於尔所時中當有
識別正行法行於尔所時中諸天世人甚當
熾盛充滿宮宅此法滅後諸天世人轉當減
少宮宅空荒尔時世尊告弥勒菩薩言弥勒
汝受持此甚深經典讀誦書寫廣為人說弥
勒我今以如斯等甚深經典囑累於汝令此
大法久住世故降伏諸魔故為利益一切衆
生故令一切外道不得便故教勅一切菩薩

使親近此經不遠離故欲令佛法大明久住
於世不衰滅故使佛法僧種不斷絕故尔時
彌勒菩薩即白佛言世尊我於如來在世及
滅度後常當受持甚深經典廣宣流布所以
者何受持此法者則為受持過去未來現在
諸佛正法非但受一如來法也世尊我亦為
自護已法故世尊我常與諸天大眾普會處
兜率天宮每為廣說如是等甚深經典我復
當令人中受持讀誦此經典者使手得是經
執在曾懷不離經卷世尊若後末世法欲滅
時其有受持此經轉為人說者當知皆是彌
勒威神之所建立世尊當於尔時雖多諸魔

事燒乱行人諸說法者依煩惱魔爲魔所持故
不樂此經不勤修習互相是非我等共當勤
作方便令說法者愛樂是經常勤修習讀誦
通利廣爲人說尔時世尊讚弥勒菩薩言善
哉善哉弥勒汝乃能爲護持正法故作師子
吼汝不但今於我前作師子吼亦於過去無
量阿僧祇諸佛前作師子吼護持正法尔時
世尊告大德阿難言阿難汝受持此經耶阿
難白佛言唯然世尊以佛神力故我已受持
佛言阿難汝常當廣爲四衆分別解說若有
先種善根樂勝法者如是等人聞已則能信
解受持讀誦廣爲人說其人則得無量無邊

不可思議大功德聚阿難即白佛言世尊當
何名斯經云何奉持佛言阿難此經名勸發
菩薩莊嚴菩提當如是奉持尔時功德莊嚴
菩薩在於衆中即從座起右膝着地合掌向
佛白佛言希有世尊如來爲擁護正法及說
法者故善能如是讚歎此經世尊諸新學菩
薩爲菩提故種諸善根以種種花香瓔珞末
香塗香勤供養如來而不受持此經是人頗
成以第一供養供如來不佛言善男子不成
第一供養如來亦不能以此因緣得無量功
德不如是善男子善女人受持此經者功德
甚多尔時世尊即說偈言

我以佛眼 所見佛刹 周遍十方 廣大無邊

尔所諸界 盛滿珍寶 菩薩以此 恒用布施

若有於此 甚深妙經 無所得法 諸佛所說

而能受持 為人演說 此人功德 復多於彼

花香瓔珞 塗香末香 寶蓋幢幡 上妙衣服

以是供具 普滿諸界 供養如來 迴向佛道

若後末世 法欲滅時 於救世法 勤修護助

受持正法 不放逸行 此功德聚 復多於彼

十方世界 一切巨海 盡盛滿中 上妙香油

作大燈炷 猶如須弥 然以供養 一切諸佛

法炬若欲 斷滅之時 知世眾生 無明所覆

若能然此 大法炬者 此人功德 復勝於彼

我之所見 無量諸佛 雖億千劫 種種供養
諸天上衣 適意供養 不能受持 此妙經典
若於諸佛 知有重恩 擁護三寶 為報恩故
為欲饒益 一切眾生 受持此經 福勝於彼
我以佛眼 所見眾生 若有能教 盡成釋梵
所得功德 不如書寫 持此經者 功德甚多
大千世界 所有眾生 若有能教 盡成二乘
若有能發 菩提心者 護持此經 功德復勝
持經功德 假令是色 悉當充滿 十方世界
唯除如來 無上大智 更無能知 此功德者
如如來智 無有邊際 虛空法界 亦無邊際
能持如來 此經法者 功德無邊 亦復如是

余時功德莊嚴菩薩白佛言世尊如我今者
信解如來所說義趣後五百歲法欲滅時諸
發大乘衆生其不受此經法者將知是等爲
魔所持墮佛法外世尊我今堪任如來滅後
受持此經欲令佛法久住世故尔時世尊爲
囑累此經法故放大光明普照十方無量阿
僧祇諸佛世界彼諸如來亦爲囑累此經法
故皆放眉間白毫相光普照十方一切世界
無不周遍說此經已如來以大神力放光明
時無量阿僧祇諸佛世界六種震動有無量
阿僧祇衆生發無上道心無量阿僧祇菩薩
得無生法忍復有無量阿僧祇菩薩得一生

補處善根又復過是無量阿僧祇衆生得聲聞乘住學無學地佛說經已虛空藏菩薩大德阿難諸菩薩大衆及諸聲聞諸天世人聞佛所說皆大歡喜

大方等大集經卷第十六

國

枿為反上先擊涿字滴幾論上正作譏傲慢上吾

下莫陵蔑莫結反正作欵毀下音紫亦

也下自搖戰慄下良吉反悚息上思

櫟窟上助交恃音市怯弱上苦劫反

醜鹵音咸益味洩浣二同玄伴積子智反

花鬘下莫嗤咲上尺之反持弄跋蒲禾瞞呼

饑	反丁	反夷	箇	反乱	毛	歲	鉗	支反	反
鎮下	含	拏	反又	也	心	也	反反	巨反	又
反渠	糜	反尼	必	煩	布	兼	居	反	奴
頸	反密	加	咩	販	媯	啐	拖	侯	反
反居	碑	祢	反免	賣	乱	祢	恐	反徒	涅
領	藪	反万	介	万上	遶	上	介	是	可
埤	反音	礼	企	反方	音	反	咩	馱	結
反丁	曬	袒	丘	丘	弊	譏	矧	反唐	耐
果	反所	未	智	介	惡	刺	反零	賀	反收
魑	戒	詳	反反	祭上	賜下	帝	過	反於	代
反丑	脾	鞞	又	反毗	反十	豐	反於	郁	反於
知	反頻	反步	羶	鼻	割魚	慍	反	葛	六
	眉	迷	反詩	延	鼻器	下上	布音	反眉	擲
	嘒	反丁	堵	刑	反開	俱	也	二	離音
	二	音第	或	籛	字	姝	下	正	蔚
	飢	飢	反昌	反昌	反昌	作	蔚	音	只
			反昌	反昌	反昌	作	蔚	音	只

